



BULEGOKO PAPERA – Oinarrizko maila

Prozedura ireki bidez eta lehiaketagatiko esleipen bidez kontratatzeko ingurumen irizpideak

1. Kontratuaren xedea eta espezifikazioak

1.1. Kontratuaren xedea

1. Koadroa

Lehiaketa honen helburua bulegorako papera erostea da [eta/edo paperezko beste material batzuk], neurri batean birziklatua edo zuntz birjinaren bidez.

1.2. Esleipen-irizpideetan bete beharreko zehaztapen teknikoak eta zehaztapen baloragarriak

Ondoren aurkeztuko ditugun irizpideek ez dute produktuaren lodierarekin edota neurriarekin zerikusirik. Beraz, erosi beharreko paperaren deskripzioan (DINA4, DINA3, etab.) honako hau dago gehitu beharra:

2. Koadroa

- Paperaren gutxienez %30ak ziurtagiriren bat duten basoetatik (FSC, PEFC edota antzekoa) ateratako egur zuntzez edota zuntz birziklatuz egina izan beharko du.
Balioa emango zaio kudeaketa iraunkorraren ziurtagiria (FSC, PEFC edota baliokidea) duten basoetan sortutako zuntz portzentaje handia izateari, eta/edo birziklatutako zuntz portzentaje handia izateari.

3. Koadroa

- Paperak ezin du oinarrizko klororik izan (Elementary chlorine free, ECF).
- Balioa emango zaio batere klororik gabeko zuritzeko prozesua izateari (Totally chlorine free-TCF, Processed chlorine free-PCF...).

Zuritasun mailari dagokionez, berriz, balioa emango zaio mailak baxuak (90tik¹ behera) izateari; hala, ISO 11475:2004 arauaren edo baliokidearen² arabera zuritasun maila txikiena duten paperek jasoko dituzte puntu gehien.

4. Koadroa

- ISO 5630-1:1991 arauaren, Alemaniako DIN 6738:1999 [LDK 24-85] arauaren edota baliokidea den beste arau baten arabera, 100 urtetik gora iraun behar du.
- Europako EN 12281:2003 arauaren edo baliokidea den beste arau baten arabera, paperak inprimatzeko eta fotokopiatzeko baldintza teknikoak bete behar ditu. Bestela, euren produktuak hurrengo ekipoetan erabiltzeko egokiak direla bermatu beharko dute lizitzaileek:
(Antolakundeak dituen makinaren zerrenda)
- Administrazioak, horien segimendua eta kontrola egitean, produktua desegokia dela erabakitzen badu, materiala ordeztzeko baldintzak birnegoziatzeko eskubidea izango du, kostuaren gehikuntza bere gain hartu gabe.
Balioa emango zaio ontziak eta bilgarriak paperezkoak edo kartoizkoak bakarrik izateari (material bakarrekoak), baita % 80 birziklatutako materialez eginak izateari ere.

5. Koadroa

Balioa emango zaie ekoizpenean honako bitarteko hauen bidez lortutako hobekuntzei ere:

- Ekoetiketaren batean (I. motakoa) definitutako isurien eta konposatu kimikoen ingurumen irizpideak betetzea (Eskandinaviako beltzarga, Europako Etiketa Ekologikoa edota antzekoak)

¹ 90tik gora, papera zuritzaile optikoez tratatu behar izango litzateke.

² Irizpide honetan, dagokion administrazioak zuritasun-maila txikiagoa baloratu ahalko du, edo nahitaezkozkat ezarri berak nahi duen zuritasun-maila; horretarako esleipen-irizpideak eta dagokion checklista aldatu beharko ditu.

2. Esleipen-irizpideak

Esleitzeko irizpideetan zehatz-mehatz dago eman beharra elementu baloragarri bakoitzari emango zaion ponderazioa. Konparazio batera:

6. Koadroa

<ul style="list-style-type: none"> - Paperaren ingurumen hobekuntzak, gehienez ere % 16: <ul style="list-style-type: none"> • Modu iraunkorrean kudeatutako basoetako zuntzen edota birziklatutako zuntzen portzentaje handiagoa [10 arte] • Batere klororik gabeko zuritzeko prozesua (Totally chlorine free-TCF, Processed chlorine free-PCF...) [3] • Zuritasun maila baxua [3 arte] - Papera ekoizteko prozesuan ingurumen hobekuntzak, gehienez ere % 5: <ul style="list-style-type: none"> • Isurien eta konposatu kimikoen ingurumen irizpideak betetzea, l. motako ekoetiketaren moduko batean definituak [5 arte] - Ontzietan eta bilgarrietan hobekuntzak, gehienez ere % 4: <ul style="list-style-type: none"> • Paperezko edota kartoizko material bakarreko bilgarria [2 arte] • Bilgarriaren gutxienez % 80 birziklatua izatea [2 arte]

3. Eskaintza teknikoaren edukia: eskaintza-aurkezpena

Aurkeztutako eskaintzak eta dokumentuak ebaluatzeko lana erraztearren, pleguan bertan zehaztuko da dokumentazioa nola aurkeztu. Informazio hori lehiaketa deitzean emango da, lizitatuzaileek behar beste denborarekin jakin dezaten.

7. Koadroa

<p>Eskaintako produktu bakoitzerako, hurrengo dokumentazioa aurkeztu beharko da:</p> <p>a) Produktuaren baldintza espezifikoen fitxa (1. eranskina)³, behar bezala beteta, sinatuta eta zigilatuta. Fitxa horietako bakoitzari grapatuak, lizitatuzaileak adierazitako espezifikazioak (bai derrigorrezkoak, bai baloragarriak) betetzen direla frogatzen duen dokumentazioa.</p> <p>b) Eskaintako produktu mota bakoitzaren lagina (500 orriko paper-sorta), fotokopiagailuetan eta inprimagailuetan ondo dabilela probatzeko.</p>

³ Kapitulu honen "Hornitzaileentzako egiaztapen-zerrenda" atalaren lehenengo txostena ikusi (<http://www.ihobe.eus> , Jarduera-eremuak>Erosketa Publiko Berdea.)

Baldintza-agirian ezarritako estandarrak eta bestelako egiaztagiri batzuk baliokideak direla frogatzea eskaintzaileari dagokio; horretarako, baliokidetza hori erakusten duten azterlan teknikoak aurkeztu beharko ditu.